

S elangkah kita menambah usia, semakin dekat jarak waktu untuk bertemu dengan yang Maha Pencipta. Namun, adakah kita sudah pun mempersiapkan diri. Jangan pula pertambahan usia tidak membawa apa-apa makna dalam pembinaan peribadi berdasarkan akhlak Islami.

Bertepatan dengan masa yang semakin pantas berlalu, kita harus bersegera menanam tekad dan azam ke arah kecemerlangan untuk menjadi hamba Allah SWT yang beriman dengan melakukan amalan diperintahkan dan meninggalkan amalan diharamkan.

Sabda Rasulullah SAW: "Sesungguhnya orang yang paling berjaya ialah orang yang hari ini lebih baik daripada semalam dan orang yang gagal adalah orang yang hari ini lebih terpedaya adalah orang yang hari ini sama dengan hari semalam." (Riwayat al-Bukhari dan Muslim)

Berubah ke arah yang lebih baik dan terbaik, jika angan-angan semata-mata tanpa disusuli tekad serta keazaman, impian tidak akan menjadi nyata.

Firman Allah SWT yang bermaksud: "Dan orang yang berusaha berjuang kepada agama Kami, sesungguhnya Kami akan memimpin mereka ke jalan-jalan Kami, dan sesungguhnya Allah adalah berserta orang yang berusaha memperbaiki amalannya." (Surah al-Ankabut, ayat 69)

Letak tanda aras tingkat prestasi

Susun strategi rancang perubahan elak kegagalan

AL-QURAN

"Dan orang yang berusaha-berjuang kepada agama Kami, sesungguhnya Kami akan **memimpin mereka ke jalan-jalan Kami**, dan sesungguhnya Allah adalah berserta orang yang berusaha memperbaiki amalannya"

Surah al-Ankabut
Ayat 69

Susun strategi rancang masa depan

Ini bermakna kedua-dua aspek duniawi dan ukhrawi perlu digandingkan bersama dengan cemerlang. Kebijaksanaan melakukan perubahan dapat

membantu umat Islam merancang masa depan bagi menyusun strategi baharu bersesuaian perubahan masa dan mampu mengurangkan kegagalan.

Kecemerlangan prestasi jika dihalakan kepada kebaikan akan membawa banyak keuntungan. Namun jika dihalakan kepada kejahatan, maka integriti dan akauntabiliti seseorang akan tercalar.

Rasulullah SAW berpesan mengenai kesungguhan iblis untuk menyesatkan manusia.

Sabda Baginda: "Singgahsana iblis berada di lautan. Dari sana dia mengirim pasukannya untuk membuat fitnah (mengacau atau membawa bencana untuk) umat manusia. Maka siapa yang lebih besar membuat bencana, dialah yang lebih besar jasanya (ter-

hormat) di kalangan mereka." (Riwayat Muslim)

Kita perlu meletakkan tanda aras prestasi cemerlang dengan peningkatan jati diri yang berkualiti, berpotensi besar, profesional, berdaya tahan dan sentiasa menuju ke arah kemajuan agama dan ummah.

Sebagai pemimpin, mereka meletakkan indeks kemantapan akidah, akhlak, ekonomi, sosial dan pembangunan negara selari dengan pemerakasaan rohani supaya kegemilangan tamadun Islam dapat diulangi.

Ketua rumah tangga perlu meletakkan indeks keharmonian rumah tangga ibarat 'syurga' iaitu tempat yang penuh ketenangan, kenikmatan dan kebahagiaan sebagai budaya yang dapat menghindari ahli keluarga daripada gejala rosak akhlak.



**NIK SALIDA
SHUHAILA**